

10	03	0001	6143	011	Na ekonomski kod (10)	
					Tekući transferi neprofitnim organizacijama	10.000

2. Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 08-11-18977/21  
27. aprila 2021. godine  
Sarajevo

Ministar  
Davor Čičić, s. r.

Na osnovu člana 17. stav (1) Zakona o izvršavanju Budžeta Kantona Sarajevo za 2021. godinu ("Službene novine Kantona Sarajevo", br. 5/21), po zahtjevu Ureda za borbu protiv korupcije i upravljanje kvalitetom, ministar finansija donosi sljedeću

Raz	Glava	Potr.jed.	Ekon.kod	Subanalitika	Funkcija	OPIS	Iznos
11	08	0001				Ured za borbu protiv korupcije i upravljanje kvalitetom Kantona Sarajevo	
						Na ekonomskog koda (10)	
11	08	0001	8213		013	Nabavka opreme	5.000
11	08	0001	8215		013	Nabavka stalnih sredstava u obliku prava	5.000
						Na ekonomski kod (10)	
11	08	0001	6139		013	Ugovorene i druge posebne usluge	10.000

2. Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 08-11-18662/21  
27. aprila 2021. godine  
Sarajevo

Ministar  
Davor Čičić, s. r.

### Ministarstvo unutrašnjih poslova Kantona Sarajevo

Na osnovu člana 26. i 28. stav (1) Zakona o Vladi Kantona Sarajevo ("Službene novine Kantona Sarajevo", broj: 36/14 - Novi prečišćeni tekst i 37/14 - Ispravka) i člana 126. tačka e), a u vezi sa članom 78. stav (5) Zakona o policijskim službenicima Kantona Sarajevo ("Službene novine Kantona Sarajevo", broj 38/18, 26/19 i 39/20), Vlada Kantona Sarajevo, na prijedlog ministra unutrašnjih poslova Kantona Sarajevo, a uz prethodnu saglasnost policijskog komesara, na 64. vanrednoj sjednici održanoj 30.04.2021. godine, donijela je

#### UREDBU

#### O SADRŽAJU, IZGLEDU, DODJELI I ODUZIMANJU ČINOVA POLICIJSKIM SLUŽBENICIMA UPRAVE POLICIJE MINISTARSTVA UNUTRAŠNJIH POSLOVA KANTONA SARAJEVO

#### DIO PRVI - OPĆE ODREDBE

Član 1.  
(Predmet)

Ovom uredbom propisuje se sadržaj, izgled, postupak dodjele i oduzimanja činova policijskim službenicima zaposlenim u Upravi policije Ministarstva unutrašnjih poslova Kantona Sarajevo (u daljnjem tekstu: Uprava policije), utvrđuju radna mjesta i poslovi, te njima pripadajući činovi policijskih službenika i druga pitanja od značaja za provođenje ove uredbe.

Član 2.

(Ravnopravnost spolova)

Gramatička terminologija u ovoj uredbi podrazumijeva uključivanje oba spola.

### ODLUKU O PRERASPODJELI SREDSTAVA U BUDŽETU KANTONA SARAJEVO ZA 2021. GODINU ZA BUDŽETSKOG KORISNIKA URED ZA BORBU PROTIV KORUPCIJE I UPRAVLJANJE KVALITETOM

1. Odobrava se preraspodjela sredstava u Budžetu Kantona Sarajevo za 2021. godinu, budžetska sredstva u iznosu 10.000 KM u razdjelu 11080001 Ured za borbu protiv korupcije i upravljanje kvalitetom i to:

### DIO DRUGI - RADNA MJESTA, ČINOVI POLICIJSKIH SLUŽBENIKA I IZGLED ČINOVA

Član 3.

(Utvrđivanje radnih mjesta)

- Pravilnikom o unutrašnjoj organizaciji Ministarstva unutrašnjih poslova Kantona Sarajevo (u daljnjem tekstu: Pravilnik o unutrašnjoj organizaciji), u dijelu koji se odnosi na sistematizaciju radnih mjesta, utvrđuju se radna mjesta na koja se raspoređuju policijski službenici.
- Svako radno mjesto policijskog službenika bit će u skladu sa njegovim činom i drugim uvjetima propisanim odredbama Zakona o policijskim službenicima Kantona Sarajevo ("Službene novine Kantona Sarajevo", broj 38/18, 26/19 i 39/20) (u daljnjem tekstu: Zakon) i Pravilnika o unutrašnjoj organizaciji.
- Policijski komesar utvrđuje upražnjena radna mjesta za zapošljavanje za početne činove "policajac" i "mlađi inspektor".
- Upražnjena radna mjesta utvrđuju se radi periodičnog zapošljavanja novih policijskih službenika kako bi se održao propisan broj radnih mjesta i održavala operativnost policijskog organa, a na osnovu liste slobodnih radnih mjesta u početnim činovima koju dostavlja nadležna organizaciona jedinica zadužena za kadrovska pitanja.
- Policijski komesar u skladu sa Pravilnikom o unutrašnjoj organizaciji, donosi odluku koliko će radnih mjesta u činu "mlađeg inspektora" biti popunjeno zapošljavanjem novih policijskih službenika i koliko će radnih mjesta biti popunjeno putem unapređenja policijskih službenika sa nižim činom.
- Izuzetno, policijski komesar može donijeti odluku o popuni radnih mjesta u početni čin "policajac", zapošljavanjem novih policijskih službenika u većem broju u odnosu na broj trenutno upražnjenih radnih mjesta u ovom činu, ukoliko će takva radna mjesta u narednom periodu biti upražnjena u postupku unapređenja u viši čin ili gubitkom statusa policijskog službenika.

## Član 4.

(Način dodjeljivanja čina i popuna radnih mjesta)

- (1) Postupak dodjeljivanja činova policijskim službenicima u Upravi policije vrši se potpunom radnog mjesta koje je utvrđeno Pravilnikom o unutrašnjoj organizaciji, na jedan od sljedećih načina:
  - a) zapošljavanjem kadeta u početni čin "mlađi inspektor" ili "policajac",
  - b) unapređenjem u viši čin i
  - c) imenovanjem za policijskog komesara - generalnog inspektora policije.
- (2) Popuna radnih mjesta policijskim službenicima sa činom mlađeg inspektora vrši se tako da se 30% popunjava putem zapošljavanja novih policijskih službenika, a 70% putem unapređenja policijskih službenika sa nižim činom.
- (3) Shodno utvrđenom omjeru iz stava (2) ovog člana, policijski komesar će donijeti odluku iz člana 3. stav (5) ove uredbe.
- (4) Popuna radnih mjesta policijskih službenika može se vršiti i putem zapošljavanja policijskih službenika koji su trenutno zaposleni u nekom drugom policijskom organu u Bosni i Hercegovini u sve činove isključujući činove "policajca" i "mlađeg inspektora" u skladu sa Zakonom.

## Član 5.

(Opis radnih mjesta po činovima)

- (1) Radna mjesta, odnosno poslovi policijskih službenika u Upravi policije, usklađeni su sa činom na sljedeći način:
  - a) **policajac**: obavlja osnovne policijske poslove u skladu sa policijskim ovlaštenjima propisanim Zakonom i propisom koji definiše unutrašnje poslove iz nadležnosti Uprave policije, te posebne policijske poslove u unutrašnjim organizacionim jedinicama Sektora za policijsku podršku,
  - b) **stariji policajac**: obavlja jednostavne policijske poslove u skladu sa policijskim ovlaštenjima propisanim Zakonom i propisom koji definiše unutrašnje poslove iz nadležnosti Uprave policije, posebne policijske poslove u unutrašnjim organizacionim jedinicama Sektora za policijsku podršku, najjednostavnije kriminalističko-tehničke poslove i najjednostavnije istražne aktivnosti koje su u nadležnosti organizacione jedinice u kojoj je raspoređen,
  - c) **narednik**: obavlja poslove vozača - pratioca policijskog komesara, policijske poslove zadržavanja osoba lišenih slobode, obavlja jednostavnije istražne i kriminalističko- obavještajne aktivnosti koje su u nadležnosti organizacione jedinice u kojoj je raspoređen, jednostavnije kriminalističko-tehničke poslove, jednostavnije poslove i zadatke iz oblasti kontradiverziona zaštite, posebne policijske poslove u okviru Jedinice za specijalističku podršku i Jedinice za podršku, poslove komandira odjeljenja u Jedinici za podršku i poslove policajca u zajednici,
  - d) **stariji narednik**: obavlja manje složene istražne i kriminalističko-obavještajne aktivnosti koje su u nadležnosti organizacione jedinice u kojoj je raspoređen, obavlja poslove rukovodioca sektora, policijske poslove zadržavanja osoba lišenih slobode, manje složene kriminalističko-tehničke poslove, manje složene poslove i zadatke iz oblasti kontradiverziona zaštite, poslove komandira odjeljenja u Jedinici za podršku i poslove rukovodioca smjene (u PO Rajlovac i PO Srednje),

- e) **mlađi inspektor**: obavlja djelimično složene istražne i kriminalističko-obavještajne aktivnosti koje su u nadležnosti organizacione jedinice u kojoj je raspoređen, poslove rukovodioca smjene, djelimično složene kriminalističko-tehničke poslove, poslove forenzičkih vještačenja, složene poslove i zadatke iz oblasti kontradiverziona zaštite, poslove dežurne službe u Sektoru za policijsku podršku, poslove vođe i zamjenika vođe upadnih timova, komandira voda u Jedinici za podršku, poslove inspektora za rad policije u zajednici, pomoćnika komandira u Policijskoj stanici Dobrinja, Trnovo i Vogošća,
- f) **inspektor**: obavlja poslove edukacije, poslove operativnog dežurstva u Operativnom centru, složene istražne i kriminalističko-obavještajne aktivnosti koje su u nadležnosti organizacione jedinice u kojoj je raspoređen, obavlja poslove pomoćnika i zamjenika komandira policijske stanice i jedinice, poslove koordinacije za maloljetničko prijestupništvo, složene kriminalističko-tehničke poslove, poslove forenzičkih vještačenja, složenije poslove i zadatke iz oblasti kontradiverziona zaštite, šefa dežurne službe u Sektoru za policijsku podršku, poslove instruktora i komandira operativne jedinice, poslove komandira policijskog odjeljenja,
- g) **viši inspektor**: obavlja analitičke poslove, poslove edukacije, poslove operativnog dežurstva u Operativnom centru, obavlja poslove unutrašnjeg nadzora, koordinacije i usmjeravanja, obavlja složenije istražne aktivnosti iz nadležnosti Odjeljenja za saobraćajne istrage, obavlja poslove rukovođenja Policijskom stanicom Dobrinja, Trnovo i Vogošća, Odjeljenjem kriminalističke policije Hadžići i Trnovo, Ilijaš i Vogošća, Odjeljenjem za kontradiverzionu zaštitu, obavlja poslove zamjenika komandira u policijskim stanicama i jedinicama, složenije kriminalističko-obavještajne aktivnosti, složenije istražne aktivnosti iz nadležnosti Sektora kriminalističke policije i odjeljenja kriminalističke policije u policijskim upravama, poslove forenzičkih vještačenja, poslove instruktora u Sektoru za policijsku podršku, poslove unutrašnje kontrole, poslove razvoja načela, procedura i standarda, obavlja poslove koordinacije rada policije u zajednici, obavlja poslove zaštite tajnih podataka - sigurnosni službenik,
- h) **samostalni inspektor**: obavlja poslove rukovođenja Odjeljenjem za edukaciju, Operativnim centrom, Odjeljenjem za saobraćajne istrage, jedinicama, unutrašnjim organizacionim jedinicama u Sektoru kriminalističke policije (izuzev Odjeljenja za kontradiverzionu zaštitu), Odjeljenjem za unutrašnju kontrolu, Odjeljenjem za razvoj načela, procedura i standarda i zaštitu tajnih podataka, policijskim stanicama, odjeljenjima kriminalističke policije u policijskim upravama, vrši najsloženije poslove edukacije, obavlja složenije poslove unutrašnjeg nadzora, koordinacije i usmjeravanja, provodi najsloženije poslove unutrašnje kontrole, obavlja najsloženije poslove iz oblasti razvoja načela, procedura i standarda, obavlja najsloženije istražne aktivnosti iz oblasti kriminalističke tehnike i poslova forenzičkih vještačenja, privrednog kriminaliteta i kriminalističko-obavještajne aktivnosti,
- i) **glavni inspektor**: obavlja poslove rukovođenja osnovnim organizacionim jedinicama Uprave policije

(izuzev osnovnih organizacionih jedinica gdje su raspoređeni isključivo državni službenici i namještenici), Odjeljenjem za unutrašnji nadzor, koordinaciju i usmjeravanje, obavlja najstroženije poslove unutrašnjeg nadzora, koordinacije i usmjeravanja,

- j) **generalni inspektor policije:** dodjeljuje se samo policijskom komesaru.
- (2) Za poslove policijskih službenika koji nisu obuhvaćeni stavom (1) ovog člana, a eventualno budu naknadno utvrđeni, odnosno za radna mjesta kod kojih dođe do promjene čina ili drugih propisanih uvjeta, shodno opisu poslova radnog mjesta policijskog službenika, utvrdit će se čin ili drugi propisani uvjeti u Pravilniku o unutrašnjoj organizaciji.

#### Član 6.

(Činovi i njihov izgled)

- (1) Izgled činova je sljedeći:
- policajac:** jedna žuta traka debljine osam mm prišivena paralelno uz i 20 mm od vanjskog ruba ramenog prišivka,
  - stariji policajac:** dvije žute trake debljine osam mm, razmaknute jedna od druge pet mm i prišivene paralelno sa vanjskim rubom ramenog prišivka od kojih je prva udaljena 20 mm od ruba ramenog prišivka,
  - narednik:** dvije žute trake debljine 15 mm, udaljene jedna od druge pet mm, u obliku tupog ugla (140 stepeni) i prišivene na rameni prišivak tako da su vrhovi uglova okrenuti prema unutrašnjem rubu ramenog prišivka, pri čemu je prvi ugao 20 mm udaljen od vanjskog ruba ramenog prišivka,
  - stariji narednik:** tri žute trake debljine 15 mm, razmaknute jedna od druge pet mm, u obliku tupog ugla (140 stepeni) i prišivene na rameni prišivak tako da su vrhovi uglova okrenuti prema unutrašnjoj strani ramenog prišivka, pri čemu je prvi ugao 20 mm udaljen od vanjskog ruba ramenog prišivka,
  - mlađi inspektor:** jedna zvijezda smještena u sredini ramenog prišivka, udaljena 20 mm od vanjskog ruba ramenog prišivka,
  - inspektor:** dvije zvijezde smještene u sredini ramenog prišivka, udaljene jedna od druge pet mm, pri čemu je prva udaljena 20 mm od vanjskog ruba ramenog prišivka,
  - viši inspektor:** tri zvijezde smještene u sredini ramenog prišivka, udaljene jedna od druge pet mm, pri čemu je prva 20 mm udaljena od vanjskog ruba ramenog prišivka,
  - samostalni inspektor:** četiri zvijezde smještene u sredini ramenog prišivka, udaljena jedna od druge pet mm, pri čemu je prva 20 mm udaljena od vanjskog ruba ramenog prišivka,
  - glavni inspektor:** grb policijskog organa i jedna zvijezdica, udaljena od grba pet mm, pri čemu je grb 20 mm udaljen od vanjskog ruba ramenog prišivka i
  - generalni inspektor policije:** grb policijskog organa i dvije zvjezdice smještene u sredini ramenog prišivka, pri čemu je pet mm udaljeno jedno od drugog, a grb 20 mm od vanjskog ruba ramenog prišivka.
- (2) Boja ramenog prišivka iz stava (1) ovog člana je tamnoplava širine 45 mm i dužine 100 mm.

#### Član 7.

(Rukovodne pozicije)

Kao rukovodna pozicija policijskih službenika u Upravi policije, smatra se pozicija rukovodioca osnovne ili unutrašnje organizacione jedinice.

### DIO TREĆI - DODJELA I ODUZIMANJE ČINOVA

#### Član 8.

(Dodjela činova)

- Činovi se dodjeljuju policijskim službenicima.
- Za vrijeme osnovne policijske obuke kadeti nemaju činove.
- Početni čin policajca ili mlađeg inspektora dodjeljuje se kadetima nakon uspješno okončane obuke i zaključenog ugovora o radu.
- Policijskim službenicima dodjeljuju se početni činovi u zavisnosti od nivoa pristupanja Upravi policije u skladu sa odredbama Zakona.
- Dodjela višeg čina vrši se u postupku unapređenja u skladu sa odredbama Zakona.

#### Član 9.

(Čin generalnog inspektora policije)

- Čin generalnog inspektora policije stiče isključivo policijski službenik u činu glavni inspektor koji je imenovan za policijskog komesara u skladu sa odredbama Zakona.
- Policijski komesar koji je imenovan iz Uprave policije nema pravo na funkcionalni čin iz stava (1) ovog člana po prestanku obavljanja mandatne dužnosti, a ima pravo ostanka u Upravi policije po podnesenom zahtjevu u činu koji je imao prije preuzimanja mandata.
- Izuzetno, ukoliko ne postoji upražnjeno radno mjesto koje odgovara činu glavnog inspektora, policijski komesar po prestanku mandata može biti privremeno raspoređen uz njegovu saglasnost i na radno mjesto za koje je propisan čin samostalnog inspektora uz zadržavanje svih prava koje pripadaju činu glavnog inspektora, dok ne bude upražnjeno radno mjesto u njegovom činu.

#### Član 10.

(Zaštita dodijeljenih činova)

Dodijeljeni čin se ne može oduzeti, osim u slučaju:

- prestanka obavljanja dužnosti policijskog komesara,
- prestanka radnog odnosa u skladu sa odredbama Zakona ili u skladu sa pravosnažnom odlukom nadležnog suda, odnosno po prestanku obavljanja poslova i zadataka koje obavljaju policijski službenici i
- radi rasporeda na radno mjesto sa nižim činom, po podnošenju pismenog zahtjeva policijskog službenika koji je proglašen prekobrojnim.

#### Član 11.

(Odluka o dodjeli i oduzimanju čina)

- Odluku o dodjeli čina donosi policijski komesar u formi rješenja.
- Na rješenje o dodjeljivanju čina može se uložiti žalba Policijskom odboru Vlade Kantona Sarajevo u roku od 15 dana od dana prijema rješenja.
- Izuzetno od odredbe stava (1) ovog člana, rješenje o dodjeli i oduzimanju čina policijskom komesaru, donosi Vlada Kantona Sarajevo i protiv istog nije dozvoljena žalba, ali se može pokrenuti upravni spor.

### DIO ČETVRTI - PRIJELAZNE I ZAVRŠNE ODREDBE

#### Član 12.

(Prelazne odredbe o popuni radnih mjesta u početnim činovima)  
Popuna radnih mjesta policijskih službenika zapošljavanjem u početne činove za koje je prije stupanja na snagu ove uredbe, Vlada Kantona Sarajevo dala saglasnost,

izvršit će se prema utvrđenom broju izvršilaca, shodno prijavljenoj saglasnosti.

#### Član 13.

(Prestanak važenja ranije Uredbe)

Danom stupanja na snagu ove uredbe prestaje da važi Uredba o dodjeli i oduzimanju činova policijskim službenicima u Ministarstvu unutrašnjih poslova Kantona Sarajevo ("Službene novine Kantona Sarajevo", broj 14/07 i 12/09).

#### Član 14.

(Stupanje na snagu)

Ova uredba stupa na snagu narednog dana od dana objavljivanja u "Službenim novinama Kantona Sarajevo".

Broj 02-04-20085-1/21

30. aprila 2021. godine

Sarajevo

Ministar

**Admir Katica**, s. r.

Na osnovu čl. 21. stav (5) tačka a) i 23. stav (3) tačka d) Zakona o unutrašnjim poslovima Kantona Sarajevo ("Službene novine Kantona Sarajevo", br. 1/16, 26/19, 31/19 i 39/20), čl. 127. tačka h) i 56. Zakona o policijskim službenicima Kantona Sarajevo ("Službene novine Kantona Sarajevo", br. 38/18, 26/19 i 39/20), na prijedlog policijskog komesara, ministar unutrašnjih poslova Kantona Sarajevo, donosi

### PRAVILNIK

#### O SADRŽAJU NAČINU I RASPOREDU TESTIRANJA I SISTEMU BODOVANJA KANDIDATA U PROCESU ODABIRA POLICIJSKIH SLUŽBENIKA U UPRAVU POLICIJE MINISTARSTVA UNUTRAŠNJIH POSLOVA KANTONA SARAJEVO

##### POGLAVLJE I – OPĆE ODREDBE

#### Član 1.

(Predmet)

Ovim pravilnikom utvrđuje se postupak provođenja javnog konkursa i način rada Komisije za izbor (u daljnjem tekstu: Komisija), sadržaj, rokovi, način i raspored testiranja i sistem bodovanja kandidata za svaki test, te se uređuju druga pitanja koja su od značaja u procesu odabira za zapošljavanje policijskih službenika u Upravi policije Ministarstva unutrašnjih poslova Kantona Sarajevo (u daljnjem tekstu: Uprava policije).

#### Član 2.

(Primjena)

Odredbe ovog pravilnika primjenjuju se na kandidate koji se prijave na javni konkurs u skladu sa Zakonom o policijskim službenicima Kantona Sarajevo ("Službene novine Kantona Sarajevo", br. 38/18, 26/19 i 39/20, u daljnjem tekstu: Zakon), aktom o unutrašnjoj organizaciji i drugim podzakonskim aktima.

#### Član 3.

(Ravnopravnost spolova)

Gramatička terminologija korištenja muškog i ženskog spola u ovom pravilniku podrazumijeva uključivanje oba spola.

#### Član 4.

(Opšte osnove za zapošljavanje)

- (1) Uprava policije zapošljava najbolje prijavljene kandidate, te osigurava da se kandidati koji ne ispunjavaju uslove isključe iz procesa.
- (2) Zapošljavanje policijskih službenika zasniva se na:
  - a) raspoloživosti radnih mjesta,
  - b) medijskom oglašavanju kampanje zapošljavanja,
  - c) javnom konkursu,
  - d) prethodnom utvrđivanju uslova i
  - e) transparentnom procesu odabira.

#### Član 5.

(Primjena pravila upravnog postupka)

- (1) Postupak provođenja javnog konkursa provodi se neposrednom primjenom Zakona i ovog pravilnika, te se odredbe Zakona o upravnom postupku ("Službene novine Federacije BiH", br. 2/98 i 48/99), primjenjuju na odgovarajući način na postupak javnog konkursa samo ukoliko Zakonom ili ovim pravilnikom nije drugačije propisano.
- (2) U postupku provođenja javnog konkursa ne primjenjuju se odredbe upravnog postupka ukoliko njihova primjena nije moguća ili opravdana s obzirom na prirodu stvari postupka provođenja javnog konkursa.

#### POGLAVLJE II – POSTUPAK PROVOĐENJA JAVNOG KONKURSA I NAČIN RADA KOMISIJE ZA IZBOR, SADRŽAJ, ROKOVI, NAČIN I RASPORED TESTIRANJA I SISTEM BODOVANJA KANDIDATA ZA SVAKI TEST

#### Član 6.

(Nivoi pristupanja u Upravu policije)

- (1) Postupak provođenja javnog konkursa se vrši prema nivou pristupa u Upravu policije, i to:
  - a) u činu policajca - kao prvi nivo pristupanja za kandidate sa najmanje IV stepenom stručne spreme,
  - b) u činu mlađeg inspektora - kao drugi nivo pristupanja za kandidate sa stečenim visokim obrazovanjem u skladu sa članom 52. stav (1) tačka c) Zakona.
- (2) Zapošljavanje policijskih službenika u početne činove iz stava (1) ovog člana obavlja se putem javnog konkursa nakon što policijski komesar donese odluku o popuni radnih mjesta policijskih službenika koja se dostavlja Komisiji.

#### Član 7.

(Rok za testiranje)

- (1) Provjera stručne i druge sposobnosti se vrši u zavisnosti od nivoa pristupa u policijski organ iz člana 6. ovog pravilnika.
- (2) Testiranje započinje najkasnije u roku od 30 dana nakon što je objavljena lista iz člana 10. stav (1) tačka b) ovog pravilnika, odnosno nakon što je Policijski odbor Vlade Kantona Sarajevo odlučio o svim podnesenim žalbama iz člana 12. stav (4) ovog pravilnika. Samo kandidati koji su blagovremeno dostavili prijave i svu traženu dokumentaciju i koji su dokazali ispunjavanje opštih i posebnih uslova, izuzev uslova koje policijski organ utvrđuje po službenoj dužnosti u toku postupka za izbor, imaju pravo pristupiti testiranju.

#### Član 8.

(Opšti i posebni uslovi)

- (1) Da bi lice bilo kandidat za kadeta, mora ispunjavati sljedeće opšte uslove:
  - a) državljanstvo Bosne i Hercegovine,
  - b) životna dob između 18 i 27 godina života (uključujući 27 godinu života) za početni čin "policajac" i do 35 godina života (uključujući 35 godinu života) za početni čin mlađi inspektor,
  - c) najmanje IV stepen školske spreme za čin "policajac", a za čin "mlađi inspektor" da ima stečenu diplomu visokog obrazovanja VII stepen stručne spreme ili da ima stečenu diplomu o završenom prvom ciklusu Bolonjskog sistema studiranja koji se vrednuje sa 240 ECTS studijskih bodova pravnih ili kriminalističkih, kriminoloških ili sigurnosnih studija (dodiplomski studij) akreditirane visokoobrazovne institucije,
  - d) da je fizički i psihički sposoban za obavljanje policijskih poslova,
  - e) da nije otpušten sa bilo koje pozicije u organima državne uprave, institucije sa javnim ovlaštenjima na